

Moras virus Corona 2019 (COVID-19)

Relatóriu Situasaun – 143

Timor-Leste



World Health
Organization

Timor-Leste

*Dadus relata to'o loron 15 Marsu 2022

SITUASAUN IHA NÚMERU

TIMOR-LESTE



Kumulativu
22,795 (27)



Rekuperadu (foun)
22,619 (99)



Kazu ativu
47



Óbitu (foun)
129 (0)

PROGRESU IMUNIZASAUN COVID-19



Doze 1^a – **691,292**
Kobertura – **85.1%****



Doze 2^a – **577,119**
Kobertura – **72.3%****

* Bazeia ba dadus ne'ebé pública husi [Ministerio da Saúde](#)

** Ba populasaun adultu tinan 18 ba leten

GLÓBÁL



Kazu
456,797,217



Óbitu
6,043,094

PROGRESU IMUNIZASAUN COVID-19



Doze vasina
10,712,423,741

SUMÁRIU


- Dezde edisaun ikus relatóriu situasaun, Ministeriu Saúde relata hamutuk **27** kazu foun COVID-19, kazu rekuperadu 99 no laiha kazu óbitu. Número kazu insidente tun 48% kompara ho períodu relatóriu ikus.
- OMS nia especialista internacional ba moras denge kontinua sira nia misaun apoiu tékniku ba prevensaun no jestaun kazu denge iha Timor-Leste, inklui formasaun jestaun kazu ba doutór no enfermeira sira iha HNGV no mos Referral Hospital Baucau, Ainaro, Covalima, Bobonaro no Maubisse, iha tempu hanesan hala'o mos *mapping* ba fatin reproduisaun susuk nian no treinamentu kona-ba área sira mensiona iha leten.
- Orientasaun kona-ba aplikasaun no *dashboard* "One Impact" hala'o ona husi Division Global Fund no ekipa MS. One Impact mak plataforma ba solusaun dijital, dezenvolve ba Timor-Leste hodi mellora empoderamentu, envolvimentu no apoiu comunidade kona-ba moras TB, HIV, Malaria no COVID-19. Aplikasaun ida ne'e dezenvolve ona ho assistensia tékniku husi OMS, hanesan parte ida husi estratéjika intervensaun C19RM.

- OMS Timor-Leste oficialmente entrega ona ekipamentu jinástika iha ar livre liu 30 ba Ministériu Saúde hanesan parte ida husi programa Moras La Hada'et (NCD). Hodi promove estilu moris ne'ebé saudavel liu husi atividade fíziku. Halo atividade fíziku ho regular ho durasaun no intensidade ne'ebé suficiente iha benefísiu barak hanesan hamenus risku ba hetan hipertensaun, moras fuan, strok, kankru, no diabetes, no benifísiu saúde barak tan.
- OMS, UNICEF, Partisipa no parseiru dezvoltamentu sira seluk fo apoiu ona ba Ministériu Saúde ba lansamentu vasinasaun COVID-19 Pfizer iha munisípiu Ermera ba labarik sira tinan 12 to'o tinan 18 mai kraik, no mos iha tempu hanesan *booster* ba populasaun elijivel ho tinan 18 ba leten. UNICEF ho OMS kontinua suporta minisípiu 13 kona-ba mudansa iha komportamentu sosial, adosaun vasina, no mos adosaun servisu saúde esensial sira.
- UNICEF kontinua servisu hamutuk ho OMS no DFAT hodi suporta Ministériu Saúde hodi garantia utilizasaun hosi vasina AstraZeneca restu sira ne'ebé rai hela no aumenta kampaña vasinasaun Pfizer iha rai laran.
- UNICEF ho OMS fasilita ona sorumutu ekipa servisu tékniku EPI iha ne'ebé hetan ona rekomendasaun hodi introdúz Vasina Pneumokósika Konjugada (PCV) iha Autubru 2022 no adia kampaña atividade imunizasaun suplementar (SIA) kontra sarampu ba tinan 2023. UNICEF komunika hela ho sira-nia *Supply Division* atu bele hodi vasina PCS fulan ida antes data introdusaun.

ATUALIZASAUN EPIDEMIOLÓJIKU

1. Kazu COVID-19 kumulativu no kazu foun, relata to'o loron 8 Marsu 2022

Hanesan hatudu iha gráfiku epi tuir mai ne'e, número kazu insidente sei kontinua ho tendénsia desendente iha semana da-5 tutuir malu.



2. Distribuisaun kazu no kazu óbitu tuir munisípiu

Distribusaun kazu foun ne'ebé relata, kazu rekuperadu no kazu ativu tuir munisípiu, to'o loron 8 Marsu 2022

Munisípiu	Kazu foun (9-15 Mar. 2022)	Loron 7 - mudansa % (kazu)*	Kazu kumulativu	Kazu rekuperadu (9-15 Mar. 2022)	Kazu rekuperadu kumulativu	Kazu óbitu foun (9-15 Mar. 2022)	Kazu óbitu kumulativu	Kazu ativu (15 Mar. 2022)
Aileu	0	0	136	0	135	0	1	0
Ainaro	1	100	303	0	299	0	3	1
Baucau	3	0	1626	0	1599	0	7	20
Bobonaro	3	100	738	1	726	0	10	2
Covalima	6	-14	838	6	829	0	3	6
Dili	10	-76	16256	89	16154	0	87	15
Ermera	0	0	1120	0	1118	0	2	0
Lautem	0	0	187	0	182	0	5	0
Liquica	0	0	132	0	131	0	1	0
Manatuto	0	0	240	0	238	0	2	0
Manufahi	0	0	272	0	272	0	0	0
RAEOA	4	300	428	3	422	0	3	3
Viqueque	0	0	519	0	514	0	5	0
TOTAL	27	-48	22795	99	22619	0	129	47


*Mudansa kazu COVID-19 kompara ho loron 7 ikus

- Total kazu foun hamutuk 27 ne'ebé relata iha períodu relatóriu (9-15 Mar. 2022), kompara ho kazu 52 ne'ebé relata iha períodu relatóriu ikus (2-8 Mar. 2022) ho redusaun 48%. Kazu sira ne'e hotu detekta iha munisípiu Dili, Covalima, Baucau, Bobonaro, no Oecusse.
- Laiha kazu óbitu ne'ebé relata iha períodu relatóriu ida ne'e; iha kazu óbitu 1 iha períodu relatóriu ikus.
- Númeru kazu ativu agora to'o loron 15 Marsu 2022 hamutuk na'in-52

3. Teste diáriu, taxa pozitivu no taxa teste positividade


Durante data relatóriu atuál ne'e husi loron 9-15 Mar. 2022, halo ona teste ba amostra 1,838 kuaze hanesan ho loron 7 liu bai ha ne'ebé teste ba amostra hamutuk 1,835.

Taxa teste positividade husi períodu relatóriu ida ne'e ho médiu 1.5% (kompara ho 2.8% iha loron 7 ikus liu ba). Figura tuir mai ne'e hatudu proporsaun teste, kazu no positividade ne'ebé hatudu tendénsia desendente maka'as liu tan.



JESTAUN KAZU COVID-19

Sentru Izolamentu Lahane no Vera Cruz halo hela tratamentu ba paciente kazu moderadu ho fator risku no kazu krítiku sira, enkuantu parte husi Sentru Izolamentu Tasi-Tolu admite kazu kma'an no moderadu sira ne'ebé iha fator risku. Husi figura tuir mai ne'e, hatudu laiha paciente admite iha Sentru Izolamentu Tasi-Tolu no paciente uitoan iha Lahane no Vera Cruz.




% okupante atual ba kama sira iha Sentru Izolamentu Lahane hamutuk 4.5%.

% okupante atual ba kama sira iha Sentru Izolamentu Tasi-Tolu hamutuk 3%.

% okupante atual ba kama sira iha Sentru Izolamentu Vera Cruz hamutuk 0%.

Figura tuir mai ne'e hatudu total númeru paciente ne'ebé admite iha sentru izolamentu no auto-izolamentu (iha uma) iha munisípiu 12 kompara ho Dili. Iha Timor-Leste laran tomak, paciente admite iha sentru izolamentu sira kontinua menus konstantemente.



IMUNIZASAUN COVID-19

Iha periodu relatóriu ida ne'e (15 Marsu 2022 dadeer), total doze vasina COVID-19 ne'ebé administra 1,283,948 kompostu husi doze dahuluk 691,292 (kobertura 85.1% entre populasoun idade 18 no liu no 27.0% entre populasoun idade 12 to'o <18) no doze daruak 577,119 (kobertura 72.3% entre populasoun idade 18 no liu, 17.2% entre populasoun idade 12 to'o <18), doze *booster* 15,526 (kobertura 2.1% entre populasoun idade 18 no liu) maka administra ona iha territóriu Timor-Leste tomak. Detallu husi númeru doze vasina ne'ebé administra ona no kobertura tuir produktu vasina no doze vasina nian bele refere ba Tabela 1 no figura 1 tuir mai ne'e.

Tabela 1: Númeru doze vasina COVID-19 ne'ebé administra ona no kobertura iha Dili no Timor-Leste tuir vasina nia marka no doze sira, atualizada to'o 10:00hrs 15/03/2022





Figura 1: Kobertura vasina COVID-19 ba populasun tinan 18 ba leten tuir munisípiu iha Timor-Leste atualizada 10:00hrs 15/03/2022



ANALIZE SITUASAUN

- Númeru kazu foun no taxa positividade kontinusa redúz liu tan. Durante loron hira foin lalais ne'e, iha deit kazu foun 2 ka 3 ne'ebé relata ona. Laiha kazu óbitu iha lorok hitu ida ne'e nia laran. Iha de'it kazu kma'an no moderadu 2 ka 3 iha sentru izolamentu no sentru tratamentu iha Dili. Maioria husi moris sosial ekonómiku fila ona ba normal iha rai laran, exeptu restrisaun balun ne'ebé mak sei implementa ba viajen internasional.
- Kampaña no ema barak hamutuk iha fatin fatin ba eleisaun prezidensial iha fin da semana aumenta risku ba transmisaun virus ida ne'e. Pesoal sira servisu iha eleisaun no públiku presiza kumpri nafatin matadalan ba prevensaun COVID-19.

REKURSU NE'EBÉ DISPONIVEL

- [Ba públiku jerál no profesionál saúde sira kona-ba prevensaun, tratamentu, no vasina, nsst.](#)
- [Rekomendasaun OMS ba Desizaun Relasiona ho COVID-19](#)
- Kursu gratuita iha Tetum – [OpenWHO.org](https://openwho.org)

KONTAKTU MÉDIA NO INFORMASAUN KONA-BA COVID-19

- Ministériu Saúde estabelese ona númeru *hotline* – 119 – ba COVID-19 ne'ebé maka ema hotu-hotu bele kontaktu hodi hetan informasaun relasiona ho COVID-19
- Alende ne'e, [Páijina Facebook MS](#) nian fornese atualizasaun loloos kona-ba desenvolvimentu COVID-19 iha rai laran
- OMS Timor-Leste liuhusi nia [Páijina Facebook](#) no [Twitter](#) mós disemina informasaun kona-ba medida preventiva, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba hasane@who.int ka wcotimorleste@who.int